



Publicaziuns dalla vischnaunca, jamna 35

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2016 – 1004.00/001

Cumpossessurs Mises las Cavorgias, c/o Andreas Huonder (parcella 3318), Via Run 6, 7180 Disentis/Mustér; spazzada dil baghetg 634c, engrondaziun dalla tegia midada da project, sanaziun dil provediment d'aua, sfundrera senza deflussiun enstagl dalla serenera individuala, deposit da material, parcella 3318, las Cavorgias, 7180 Disentis/Mustér.

Nr. 2017 – 1068.000

Pendicularas Mustér SA, Via Acletta 2, 7180 Disentis/Mustér; construcziun d'ina casa d'ina famiglia ad Acletta, 7180 Disentis/Mustér.

Nr. 2018 – 1005.000

Giusep Condrau-Schuoler, Via Sontget 6, 7180 Disentis/Mustér; sanaziun dil provediment ed allontanament d'aua, differentas midadas internas e niev indrez fotovoltaic, parcella 2420, Mun-Su, 7180 Disentis/Mustér.

Nr. 2018 – 1028.000

Gion Fry-Fischer, Via Sursilvana 11, 7180 Disentis/Mustér; construcziun d'in suttetg per autos, parcella 1619, Gassa da Cuo 3, 7186 Segnas

Disentis/Mustér, ils 29 d'uost 2018

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2018 – 2071.000

Ignaz e Madlen Deflorin-Spescha, Via Sursilvana 10, 7180 Disentis/Mustér.; construcziun d'in niev tshabergal sin la terrassa (tetg) dil baghetg annex nr. 18-A sin parcella 904, Via Sursilvana 10, 7180 Disentis/Mustér.

Nr. 2018 – 2072.000

Baseli Jacomet, Via Crestas 28, 7183 Mumpé Medel; slargar il curtgin e dislocar la seiv, Via Crestas 28, 7183 Mumpé Medel.

Nr. 2018 – 2073.000

Fargliuns Loretz, Via Iert 1, 7186 Segnas; sanaziun dil tgamin e dil curtgin d'unviern vid la casa sin parcella 488, Via Craps 13 a Mumpé Tujetsch.

Nr. 2018 – 2076.000

Swissgrid AG, Bahnhofstrasse 37, 7302 Landquart; demontar la seiv e spazzar ils sochels da betun sin parcella 295, Tscharschès, 7186 Segnas.

Nr. 2018 – 3001.000

Giusep Foppa, Via Alpsu 30, 7180 Disentis/Mustér; montar ina bandiera da reclama vid il baghetg sin parcella 510, Via Alpsu 30, 7180 Disentis/Mustér.

Nr. 2018 – 2062.000

Monika e Karl Eder-Jäger, Weierhofgasse 4, 9500 Wil SG; nova formaziun dil curtgin sin parcella 738, Via Gonda 20, 7180 Disentis/Mustér.



Nr. 2018 – 2077.000

Condomini parcella 1182, Corsin Maissen-Winzap, Via Acletta 22, 7180 Disentis/Mustér; sanaziun dil tetg vid la casa sin parcella 1182 muort in donn vid la folia dil tetg, Via Acletta 22, 7180 Disentis/Mustér.

Nr. 2018 – 2081.000

Bruno Schmed-Geissbühler, Speerstrasse 8, 8630 Rüti/ZH; nova formaziun dalla scarpa sin parcella 3036, Cunel, 7180 Disentis/Mustér.

Nr. 2018 – 2082.000

Adrian Schnoz-Hollenstein, Strada Curtgin 11, 7130 Illanz; lavurs da contuorn, remplazzament dil begl, spazzar l'annexa vid la tegia sin parcella 2416, Plaun Tiatscha, 7183 Mumpé Medel.

Encunter quellas decisiuns san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 29 d'uost 2018

Uffeci da baghegiar Disentis/Mustér

Cussegl da vischnaunca

Rapport dalla seduta dils 24-8-2018

En sia seduta dils 24 d'uost 2018 ha il cussegl da vischnaunca sut il tgamun d'Armin Manetsch tractau en in'emprema lecziun la revisiun parziala dalla lescha d'agricultura e la damonda per in credit supplementar da planisaziun per la sanaziun cumplessiva dil Center da sport e cultura (CSC).

Revisiun parziala dalla lescha d'agricultura

La lescha d'agricultura actuala datescha digl onn 2008. Damai che quella lescha sco era ils contracts d'affittaziun corrispundan buca pli allas pretensiuns dad oz, ha la suprastonza communal eligiu ils 5 da fevver 2018 ina cumissiun per reveder parzialmein la lescha d'agricultura. La cumissiun ei vegnida presidiada da cusse-glier Wendelin Jacomet. Commembers: Clemens Berther, genau dil departament d'agricultura, Wendelin Jacomet, cusseglier da vischnaunca, Armin Manetsch, president uniu purila e president dil cussegl da vischnaunca, Ervin Maissen, menader infrastruttura, Simon Cathomen, uffeci forestal, Thomas Durschei, uffeci da catscha e pesca, Marco Schmed, Pencilaras Mustér, Ursina Murer-Fatzer, actura. Per levgiar la lavur dall'administraziun communal ei la cumissiun stada dil meini ch'ei seigi d'avantatg da crear in regulativ da taxas per la lescha d'agricultura. Entochen oz ei in tal regulativ buc avon maun.

Il cussegl da vischnaunca ha en in'emprema lecziun:

- discussiunau la lescha d'agricultura presentada e suttamess per mauns dalla cumissiun enqual giavisch d'adattaziun. En ina secunda lecziun en in dils proxims cussegls vegn il cussegl a decider en caussa nova lescha d'agricultura.
- priu enonuschiantscha dil regulativ da taxas tier la lescha d'agricultura sco era dil niev contract d'affittaziun che vala per la gudida da pastira e per l'alpegiaziun;
- priu enonuschiantscha che sin fundament dallas midadas previdas ella lescha vegnan tut ils contracts da gudiments da pastira ch'ei avon maun visai, per aschia saver contrahar da niev cun ils affittaders.

Credit supplementar da planisaziun per la sanaziun cumplessiva dil CSC

Ils 24 da mars 2017 ha il cussegl da vischnaunca concediu in credit da planisaziun da 375 000.– francs per la sanaziun e completaziun dil CSC. L'incarica ei vegnida surdada a basa d'ina procedura da submitsiun al biro d'architectura Huonder Bisquolm architects. L'incarica cumpeggia sper la lavur d'architect era las retschercas concernent ils planisaders dil fatg (energia, tecnica da casa, electricitad, statica etc.). Tier la submitsiun per l'evaluaziun d'in planisader ch'ei vegnida fatga igl atun 2016 ein ins partius d'ina summa da baghegiar approximativa da 6 milliuns francs. La cumissiun da baghegiar CSC ensemen cul biro d'architectura ein semess alla lavur la stad 2017. All'entschatta ei vegniu consultau tuts studis per preparar il project dalla sanaziun cumplessiva. Duront quella lavur ein discuors vegni menai cun investurs, uniuns e naturalmein ein las retschercas fatgas gia avon entgin temps dalla cumissiun da menaschi CSC flessegiadas el project. La finamira



ei stada da presentar al cussegl da vischnaunca ina sligiazion per ina sanaziun cumplexsiva cun differentas innovaziuns per igl entir CSC cun ina summa da baghegiar a basa d'in project da construcziun. Il project CSC elaboraus preveda cuosts ella dimensiun da 15,1 milliuns francs. A basa dalla norma SIA vegnan da quella summa 11,25 milliuns francs risguardai per definir il honorar dil biro d'architectura. Quei munta a cuosts da planisaziun pil project da baghegiar tenor SIA da 474 000.– francs. Igl augment dalla summa dil project meina aschia a dapli cuosts da planisaziun da 119 000.– francs. Il cussegl da vischnaunca ha cun 13 encunter ina vusch concediu in credit supplementar net da 119 000.– francs per preparar la planisaziun dalla sanaziun cumplexsiva dil Center da sport e cultura sin fundament dalla nova summa da baghegiar da ca. 15 milliuns francs e decidiu da suttametter quei conclus al referendum facultativ tenor art. 21, lit. e dalla constituziun communal.

Suprastonza communal

Referendum facultativ

A caschun da sia seduta dils 24 d'ust 2018 ha il cussegl da vischnaunca approbau cun 13 encunter ina vusch in credit supplementar da 119 000.– francs per preparar la planisaziun dalla sanaziun cumplexsiva dil Center da sport e cultura sin fundament dalla nova summa da baghegiar da ca. 15 milliuns francs. Conform ad art. 21 lit. e dalla constituziun communal ei quella decisiun suttamessa al referendum facultativ. Il mesadi tier sura fatschenta ei exponius per envesta en casa communal (stanza nr. 10). Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communal

Öffentliche Auflage Forstprojekt

Ausbau Waldstrasse Punt da Brulf–Fontanivas, Gemeinde Disentis/Mustér. Vorprojekt und Bauprojekt vom 19. Dezember 2017

1. Ort und Frist der Auflage

Das Auflageprojekt liegt gestützt auf Art. 16 Abs. 1 des kantonalen Waldgesetzes (KWaG; BR 920.100) vom 3. September bis 2. Oktober 2018 beim Amt für Wald und Naturgefahren, Loëstrasse 14, 7000 Chur, sowie in der Gemeindeverwaltung Disentis/Mustér, Via Cons 2, 7180 Disentis/Mustér, während der Büroöffnungszeiten zur Einsicht auf.

2. Gesuche um spezialgesetzliche Bewilligungen

Folgendes Gesuch ist Teil des Auflageprojektes:

- Gesuch um Einleitung in ein Gewässer oder Versickerung von Baustellenabwasser nach Art. 7 Abs. 1 des Bundesgesetzes über den Schutz der Gewässer (GSchG; SR 814.20).

3. Verfügungsbeschränkung

Vom Tag der öffentlichen Bekanntmachung der Auflage an unterliegen Bauvorhaben innerhalb des vom Projekt erfassten Gebiets einer Bewilligung des Bau-, Verkehrs- und Forstdepartementes Graubünden. Diese wird erteilt, wenn sich das Bauvorhaben nicht erschwerend auf den Landerwerb oder die Ausführung des Projektes auswirkt (Art. 17 Abs. 1 KWaG).

4. Einsprachen

4.1 Legitimation

Wer vom Auflageprojekt berührt ist und ein schutzwürdiges Interesse an dessen Aufhebung oder Änderung geltend machen kann, ist berechtigt, Einsprache zu erheben. Einspracheberechtigt sind ferner die betroffenen Gemeinden und wer nach Bundesrecht dazu ermächtigt ist (Art. 18 Abs. 2 KWaG).

4.2 Einwendungen

Es können geltend gemacht werden:

- a) *Projekteinsprachen, insbesondere Einsprachen gegen das Bauprojekt und die damit verbundenen Gesuche für weitere Bewilligungen sowie gegen eine allfällige Enteignung und deren Umfang (Art. 18 Abs. 3 lit. a KWaG);*



b) Entschädigungsbegehren, namentlich Forderungen für die beanspruchten Rechte und andere Forderungen, die sich aus dem kantonalen Enteignungsrecht ergeben (Art. 18 Abs. 3 lit. b KWaG). Die Bereinigung dieser Begehren erfolgt anschliessend an die Projektgenehmigung im Landerwerbsverfahren (Art. 20 Abs. 1 KWaG).

4.3 Frist und Adressat

Einsprachen sind innert der Auflagefrist mit einer kurzen Begründung dem Bau-, Verkehrs- und Forstdepartement Graubünden, Stadtgartenweg 11, 7000 Chur, einzureichen. Werden nachträgliche Entschädigungsforderungen geltend gemacht, sind die Säumnisfolgen nach Art. 17 der kantonalen Enteignungsverordnung (EntV; BR 803.110) zu beachten.

5. Auskünfte

Auskünfte zum Auflageprojekt erteilt das Amt für Wald und Naturgefahren, Region Surselva (Renaldo Lutz, Projektleiter) während der Büroöffnungszeiten (Tel. 081 257 64 15).

Chur, 28. August 2018

*Amt für Wald und Naturgefahren
Der Kantonsförster, Reto Hefti*

Café Zeitlos a Mustér

Café Zeitlos – in liug da sentupada per personas cun ina demenza, per tierparents ed interessai. In liug per passentar in suentermiezdi emperneivel, per s'informar e s'incuntrar. Ei drova negina annunzia. Il Café Zeitlos ei gratuits ed aviarts per tuts. La consumaziun surpren la PUNTREIS Center da sanadad.

Datums per 2018:

venderdis, 7 da settember

venderdis, 5 d'october

venderdis, 2 da november

venderdis, 14 da december

Dallas 14.00–16.00 en PUNTREIS Center da sanadad,
Via Cons 11, 7180 Mustér. Nus selegrein da Vossa viseta!

Gruppa da gymnastica per senioras

Nus entschevein cun la gymnastica ils **7 da settember 2018**

Urari: Mintga venderdis 13.30–14.30, Halla Cons

Cordialmein envidein nus nossas commembras. Tgi enconuscha buca nossa gruppa? Sche ti has plascher dalla gymnastica, neu e fai ina viseta nunligionta tier nus. Sclariment per telefon: 081 947 56 43 ni 081 947 53 32

Ad in bien e frestg seveser

Uniun samaritana Mustér

Cuors: Agid d'urgenza tier affons pigns (Notfälle bei Kleinkindern)

Sonda, ils 15 ed ils 22 da settember 2018, mintgamai las 13.00–17.15 en casa da scola, Mustér. Il cuors sedrezza a mummas e babs, tattas e tats ed a tut las personas che han da far cun affons pli pigns ed era pli gronds. Ulteriur sclariment ed annunzias entochen ils 9 da settember 2018 tier: Martina Giger, 079 299 36 13, martina.casanova@gmx.ch



Uniun da gimnastica da dunnas Mustér

Las datas per nossa purschida Line-Dance inaga per meins ein: Gievgia, ils 6 da settember, ils 4 d'october ed ils 8 da november 2018 allas 19.30 el Center da sport Mustér. Nus envidein tuttas interessadas pil sault – vegni tier nus en la halla da gimnastica! El num dall'uniun da gimnastica da dunnas Mustér (tel. 079 672 50 46)

Frauenturnverein Disentis

Die nächsten Daten für das Line-Dance-Angebot einmal im Monat lauten wie folgt: Donnerstag, 6. Sept./4. Okt. und 8. Nov. 2018 um 19.30 Uhr im Center da sport in Disentis. Wir laden alle Tanzbegeisterten ein, bei uns hereinzuschauen. Uniun da gimnastica da dunnas Mustér (Tel. 079 672 50 46)